

ten/vnd fur allem vbel zubewaren/ Aber du
schalck/leffest solches aussen/vnd weifest mir
eine thür/da kein weg ist/Tauben/sperlingen/
vnd andern vögeln / ist ein rechter weg / das
sie sich aus der höhe auff die erden lassen / die
haben feddern dazu / vnd können fliegen /
Solchs hat Gott dem menschen nicht gege-
ben/sondern hat verordnet treppen/die sol man
auff vnd abgehen / vnd nicht inn der lufft ei-
nen neuen weg suchen.

War ist es/ Christus hette solches gleich
so wol thun können/als auffm wasser gehen/
Aber weil er da inn menschlicher natur war/
vnd vns zu gut solche anfechtung ausstehen
wolte / lies Gott die menschliche natur inn
Christo mit dem Teuffel fechten / vnd vns zu
trost / in mit seinem eigen schwerd schlagen/
vnd vberwinden / Nemlich also/ Du solt
Gott deinen **DEIN** nicht versuchen. Als
wolt er sagen/ Du schalck/du lereest mich/das
ich mich sol inn der lufft hinab lassen / das ist
nicht ein weg fur mich / Denn die menschen
sollen sich nicht inn der lufft hinab lassen/son-
dern die treppen hinab gehen/ Weil ich aber
ein mensch bin / wil ich solchs mittels brau-
chen/sonst wo ich deinem rat folgete / hiesse
es Gott versuchen &c.

Dies ist/sage ich/die ander anfechtung
der Christlichen kirchen/ Denn als bald Con-
stantinus ein Christ ward / da funden sich die
C rechten